

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-138-15/20

Datum: 01.12.2020. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) direktor donosi

ODLUKU

o izboru najpovoljnijeg ponuđača u predmetu javne nabavke informatičke opreme

I

Prihvata se preporuka Komisije za javne nabavke broj 07-138-14/20 od 27.11.2020. godine i Ugovor o javnoj nabavci informatičke opreme za potrebe Ugovornog organa dodjeljuje se ponuđaču Neonetx d.o.o. Tuzla sa ukupnom cijenom ponude od 14.997,22 KM sa PDV-om kao najpovoljnijem ponuđaču.

II

Ugovor o nabavci iz prethodnog člana ponudiće se izabranom ponuđaču u roku od 10 dana od dana dostavljanja ove Odluke.

III

Odluka stupa na snagu danom donošenja.

Obrazloženje

Zavod za javno zdravstvo Tuzlanskog kantona je pokrenuo postupak javne nabavke informatičke opreme putem konkurentskog zahtjeva za dostavljanje ponuda broj 07-138-2/20 od 10.11.2020. godine, za koji je objavljeno obavještenje na portalu javnih nabavki pod brojem 1247-7-1-275-3-15/20 dana 10.11.2020. godine, a na osnovu Odluke Upravnog odbora Zavoda za javno zdravstvo Tuzlanskog kantona broj 02-719-1/20 od 26.06.2020. godine.

Poziv za učešće u predmetnom postupku javne nabavke upućen je sljedećim ponuđačima: IMEL D.O.O. LUKAVAC, GENELEC D.O.O. TUZLA i NEONETX D.O.O. TUZLA. Tenderska dokumentacija je objavljena na portalu javnih nabavki i istu je preuzelo 28 potencijalnih ponuđača.

Za predmetni postupak predviđeno je provođenje e-aukcije.

U roku za prijem ponuda zaprimljena je jedna ponuda ponuđača Neonetx d.o.o. Tuzla. Komisija za nabavke (u daljem tekstu: Komisija) je prilikom otvaranja predmetne ponude konstatovala da je ista zaprimljena blagovremeno i u ukupnom iznosu od 12.818,12 KM bez PDV-a odnosno 14.997,20 KM sa PDV-om.

Prilikom pregleda i ocjene primljene ponude Komisija je konstatovala da je imenovani ponuđač u stavci 6. Obrasca za cijenu ponude naveo jediničnu cijenu bez PDV-a u iznosu od 899,32 KM, odnosno za 5 komada navedene opreme naveo je iznos od 4.496,58, a trebalo je da navede iznos od 4.496,60 KM, samim tim i ukupna vrijednost ponude bez PDV trebala bi da iznosi 12.818,14 KM odnosno 14.997,22 KM sa PDV-om. Shodno navedenom, Komisija je kontaktirala imenovanog ponuđača, koji je potvrdio konstataciju Komisije odnosno da je napravio grešku tehničke prirode prilikom zaokruživanja iznosa ukupne cijene bez PDV-a za stavku 6. Obrasca za cijenu ponude. Prilikom daljeg pregleda i ocjene primljene ponude Komisija je konstatovala da je ponuda ponuđača Neonetx d.o.o. Tuzla u ukupnom iznosu od 12.818,14 KM bez PDV-a odnosno 14.997,22 KM sa PDV-om, kompletna i da ispunjava sve uslove postavljene tenderskom dokumentacijom, kao i da je

imenovani ponuđač ponudio informatičku opremu koja odgovara tehničkoj specifikaciji iz tenderske dokumentacije.

Obzirom da je primljena jedna prihvatljiva ponuda e-aukcija se, u skladu sa članom 3. stav (3) Pravilnika o uslovima i načinu korištenja e-aukcije (Službeni glasnik BiH broj 66/16), ne može zakazati, nego će se postupak okončati u skladu sa članom 69. Zakona.

Shodno navedenom, Komisija je predložila da se ponuda ponuđača Neonetx d.o.o. Tuzla prihvati, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od pet dana od dana prijema odluke.

Dostaviti:

1. Ponudaču
2. a/a

DIREKTOR
Sarihodžić dr. Majda, spec. socijalne medicine
MA menadžmenta

